



Broj: 11-07-2333.1  
Sarajevo, 14.03.2013. godine

### **VLADA KANTONA SARAJEVO**

- ovdje -

#### **PREDMET:** Odgovor na zastupničko pitanje zastupnice Hanke Vajzović

Na 24. sjednici Skupštine Kantona Sarajevo, održanoj 11.02.2013. godine, u okviru tačke dnevног redа „Poslanička pitanja, inicijative i odgovori“, a u skladu sa Poslovnikom o radу Skupštine Kantona Sarajevo, zastupnica Hanka Vajzović pokrenula je inicijativu:

„Tražim da Vlada Kantona dostavi (za sva ministarstva) podatke o svim pravnim aktima – tipa uredbi, zaključaka, odluka Vlade – dakle, o svim aktima koji ne proizilaze iz zakonskih obaveza ili ih pojedinačno nije potvrdila Skupština a proizvode finansijske posljedice (u pravilu su pod oznakom *tekući transferi*), što znači da podrazumjevaju na godišnjem nivou opetovana finansijska izdvajanja iz Budžeta Kantona Sarajevo. Traženi podaci uključuju godinu donošenja navedenih akata, odnosno, od kada je takvim pravnim aktima započelo stvaranje finansijske obaveze, te koliki je iznos na takav način izdvajanja sredstava za 2011. i 2012. godinu.“

Ovu inicijativu proširujem zahtjevom da Vlada Kantona ubuduće prestane sa praksom donošenja uredbi sa zakonskom snagom i drugih sličnih pravnih akata kojima bi se izdvajala bilo kakva budžetska sredstva bez potvrđivanja u skupštini Kantona.“

#### **ODGOVOR:**

U vezi sa navedenom inicijativom dostavljamo vam slijedeće informacije:

- u Budžetu Kantona Sarajevo na razdjelu Ministarstva za obrazovanje, nauku i mlade, pozicija 614300 Transferi neprofitnim organizacijama subanalitika LAN008 Rektorat Univerziteta - UTIC odobrena su sredstva za sufinansiranje projekata informatizacije osnovnih i srednjih škola, uvođenje interneta u studentske domove, EMIS projekat i sl. koje realizuje Univerzitetski teleinformacioni centar pri Rektoratu Univerziteta u Sarajevu. Ovi projekti se finansiraju od 2004. godine.

U Budžetu za 2011. godinu izdvojena su sredstva u iznosu od 50.000 KM, a takođe i u 2012. godini sredstva u istom iznosu – 50.000 KM. Sredstva se odobravaju i doznačavaju na osnovu ugovora o realizaciji određenog projekta, koji zaključuje Ministarstvo za obrazovanje, nauku i mlade i UTIC.

- na poziciji 614300 Transfer neprofitnim organizacijama subanalitika LAN012 Transfer za nauku, odobrena su sredstva za finansiranje/sufinansiranje rada naučnih instituta (pet instituta), kojima je osnivač Kanton Sarajevo, odnosno za koje je Kanton Sarajevo preuzeo osnivačka prava Zakonom o



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1




visokom obrazovanju. Pored ovih instituta sa navedene pozicije finansira/sufinansira se i **Akademija nauka i umjetnosti BiH**, kojoj Kanton nije osnivač, ali s obzirom da se radi o ustanovi koja je od značaja za državu a time i za Kanton, izdvajaju se sredstva za njeno finansiranje/sufinansiranje. U skladu sa procedurama o odobravanju sredstava, Vlada Kantona Sarajevo je do 1999. godine donosila zaključke kojim su se odobravala sredstva za određenu budžetsku godinu za finansiranje ustanova kojima osnivač nije Kanton, niti je Kanton preuzeo osnivačka prava (5 instituta, Narodna tehnika Kantona Sarajevo i Akademija nauka i umjetnosti BiH). Kako je navedeno, Kanton Sarajevo je preuzeo osnivačka prava nad naučnim institutima (Zakon o visokom obrazovanju), te se u skladu sa navedenim fiansiraju iz Budžeta. Narodna tehnika se ne finansira, a kao što je već navedeno uzimajući u obzir značaj Akademije nauka i umjetnosti, Vlada i Skupština Kantona odobravala je sredstva za finansiranje ove ustanove. Ured za reviziju institucija u FBiH prilikom revizije finansijskih izvještaja Budžeta Kantona Sarajevo ukazuje na nepostojanje zakonske osnove za finansiranje ove ustanove, te u preporuci navodi da je potrebno „na prijedlog Ministarstva za obrazovanje, nauku i mlade Vlada Kantona Sarajevo treba da se odredi u vezi sufinsaniranja rada Akademije nauka i umjetnosti BiH, s obzirom da Kanton nije osnivač, a niti suosnivač iste.“

Za finansiranje/sufinansiranje djelatnosti Akademije nauka i umjetnosti BiH u 2011. godini iz Budžeta Kantona Sarajevo izdvojena su sredstva u iznosu od 1.057.900 KM, a u 2012. godini sredstva u iznosu od 1.034.300 KM.

- na poziciji 614300 Transfer neprofitnim organizacijama subanalitika LAN028 **Narodna i univerzitetska biblioteka**, odobravaju se sredstva za sufinsaniranje univerzitetske funkcije Narodne i univerzitetske biblioteke. S obzirom na značaj koju ova ustanova ima za Univerzitet, u budžetu se odobravaju sredstva za njeno sufinsaniranje, dok se ne rješi status ove ustanove kako je to definisano Zakonom o visokom obrazovanju: „Nacionalna i univerzitetska biblioteka u Sarajevu (u daljem tekstu: Biblioteka), u dijelu nastavne i naučnoistraživačke djelatnosti je u neposrednoj veti sa djelatnošću visokog obrazovanja.“ Položaj i funkcija Biblioteke preciznije će se regulisati statutom Univerziteta kao javne ustanove.

Za sufinsaniranje rada Nacionalne i univerzitetske biblioteke u 2011. godini u Budžetu na razdjelu Ministarstva za obrazovanje, nauku i mlade izdvojena su sredstva u iznosu od 250.000 KM, a i u 2012. godini takođe sredstva u istom iznosu – 250.000 KM.

S poštovanjem,



web: <http://www.monks.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

